

四明叢書

張宗祥

麥黃要經雪橘黃要經霜

陳龍川送秀州序歌曰父兮母兮獨古有兮

衛清叔祭樞密文曰公之堂堂萬夫桀規喬嶮屹鎮景
星燦垂歷事三朝屢更險夷惟真弗渝惟堅弗隳或出
或處一節靡移銷伏羣枉斷制大疑人有元氣國有址
基邊陲倣擾呼吸安危身爲長城手摩瘡痍明堂一柱
泰山四維物望綿屬璽詔交馳庶幾大用抗函力歸云
何微疚乃不憊遺

邱氏同調

法曹江先生致堯

江致堯字聖俞惠安人以特奏任法曹通經學與邱宗

齊名著周禮解

閩書

晦翁同調

補文節劉後溪先生光祖

梓材謹案真西山誌先生墓云享年八十有一有後溪集百餘卷在襄有峴山集瀟曰鶴林集梁曰金泉集眉曰眉山集合若干卷諸經講義若干卷梓材又案朱子別集與先生書十二蓋先生曾孫曾元家藏

雲濠謹案直齋書錄解題云先生撰山堂疑問一卷慶元中謫居房陵與其子講說諸經因筆記之以其所問于詩爲多遂取呂氏讀詩記盡觀之而

釋以己意附
疑問之後

附錄

孝宗臨御久明于羣臣邪正所以傳聖子神孫者皆
天下第一流公在英邸三年所以講明誘掖者甚至其
後諸賢相踵輔導聖德日益顯融然其開端正用力早
則公之功爲多

寧宗受禪六日卽以爲司農少卿入對獻謹始五箴曰
陛下新服厥命人皆望謹始于庶政臣獨願謹始于五
事讀至思箴上曰要當從原頭用功公對曰微臣千百

言不如陛下原頭一語陛下誠致力于此則貌言視聽俱治矣又論人主有六易天命易恃天位易樂無事易安意欲易奢政令易怠歲時易玩又有六難君子難進小人難退苦言難入巧佞難遠是非難明取舍難決闇主之所易明主之所難闇主之所難明主之所易思與不思故也六難常生于六易

少從族父兄東溪先生伯熊學已志乎古人之大方及長博參諸老而融會其異同旁綜百家而蒐攬其精粹嘗謂蘇程二氏之學其源則一而用之不同皆有得于

經術者也又道學之論方譁人謂公師友眉山非爲伊洛地者公獨反覆懇叩爲上言之

公于文章不事雕績而渾厚正大之氣實似其爲人詩尤清婉張南軒一見所賦大奇之

自謂平日于父君師事之如一故其歷事三朝始以忠直卒以忠直

好樂人材獎校善類西州名彥鮮不出公門東南之士賴公通顯者亦衆學者稱公不以爵氏而曰後溪先生云

朱子與先生書曰前年竊聞登進言路有識相慶繼讀邸狀又得所上章疏分別邪正明白剴切三復慄然爲之汗下蓋久矣莫有以此聲歎吾君之側者矣

又曰昨聞諸公于門下數有裏言而羣賢亦有彙進之勢作鎮夔門是爲東來之兆而間者所聞乃若小異雖賢者所居而安無適不樂然當典戎幹方之任以蕃衛王室爲心亦豈能忽然于今日之事乎

程滄洲思後溪劉先生作幽思賦曰閔吾之生離阨兮天降割其孔殷父我鞠師我誨兮逝將託焉而終身粵

龍蛇之歲度兮梁壤悲乎哲人颺颺風木重以哀兮上
下求索又莫贖于吾親旣縣封而反虞兮感陽以增悼
西余首悲無涯兮俄遠日之余告嗚呼先生兮一朝倏
然其何之其生有自來兮其死必有歸望寢門已疏兮
安所得而陳詞鳳凰承詔而翼車兮軼浮雲乃曾舉周
流四極經營八荒兮渺不知稅駕之奚所抑將邈絕炎
儔傳說以綴列耀兮無乃噓紫氣謁柱史而扈西征憑
緒風以誰訊兮九天不可梯而升俾影響之不可得兮
杳茫茫之不可明上一善斯可錄兮矧眾芳之能并皇

皇仁義之廣居兮坦坦道德之九達苟肖形皆可與爲
善兮志皓首而不衰春秋八十有一兮士架篋而國著
龜隘世路莫能久此淹兮趨無爲鄰泰始其奚疑竊悲
夫五百年之間生兮艱于遭遇而易失德容玉瓚之黃
流兮斯文清廟之遺瑟氣盈虛烏可常兮道污隆又何
能必逝川不可挽而回兮後將焉所考德世坎窞日阨
危兮俗冥行而莫止悵已往之莫追兮惕來者之將躡
天蒼蒼莫可詰兮胡一老之不憊遺震余衷而私有感
兮憶往日春糧而求仁聞一言曰充養兮今十年而書

諸紳再跪履于里門兮願卒業于涪濱北面拜手槐杏
之陰兮吾今而知師道之尊紛戶履之三千兮奚狂簡
之下取愕風雩之詠歸兮變薤露之惻楚哭匍匐以無
因兮愧獨茹哀于廬處愴端木之事師兮躑躅六年而
不忍去苟逝者而有知兮尙觀過而我恕嗚呼哀哉三
石孱顏兮後溪之堂萬松蒼蘂兮清溪之岡子孫兮孺
慕歲時兮烝嘗化鶴歸兮何時山嵯峨兮流水洋洋睨
故邦兮顰蹙尙弭節兮相羊千秋兮萬禩先生兮不亡
虞道園題王知郡墓碑後曰後溪公以龍圖閣學士歸

居其鄉簡池碩德重望爲時師表其家居時曾大父守
簡會關上潰卒爲亂二公保障之郡安而亂弭

文靖胡先生晉臣

胡晉臣字子遠江原人紹興末進士爲侍御史時林栗
奏朱子傲慢先生疏留朱子而排栗光宗時拜參知政
事兼同知樞密院事與留忠宣正同心輔政卒謚文靖

姓

譜

附錄

呂東萊送胡子遠著作知漢州分韻得行字云定交不

在蚤意合蓋已傾胡侯西南來兩載同書檠與人徐有
味于世初無營虛舟澹客與未易寵辱驚魚龍一同涉
中有千丈清道氣自深穩名言常簡明南宮接東觀天
衢勢方亨夢回得遠信窺簷諸鴻鳴開書見連環歸興
浩已盈子政方校錄令伯俄陳情都門日轂擊雜襲炎
涼并誰知此麾蓋獨爲思親行夾道皆歎息始識眞重
輕古來聚散地雪野天崢嶸別離不可挽宿昔洲渚生
君臣有大義忠孝相持衡勉哉懋明德清廟須棟蓂

文節衛後樂先生涇
附師李夫智

衛涇字清叔其先自齊居華亭占籍崑山之石浦先生少
有異操入行在從永嘉李去智學李卒爲制服執喪人咸
義之淳熙十一年孝宗擢進士第一授承事郎添差鎮東
軍簽判光宗立先生以著作佐郎賜對出爲淮東浙東二路
提舉歷除直煥章閣知慶元府沿海制置使以言者論罷
是時權姦用事先生不爲勢怵斥去十年不調于里中闢
西園取范文正公之言名其堂曰後樂繼入朝拜御史中
丞請誅韓侂冑論罷陳自強拜參知政事封崑山縣開國
伯嘉定初兼太子賓客五年知

潭州八年知隆興府九年知揚州十七年除資政殿學士金紫光祿大夫卒贈太史追封秦國公諡文節先生仕三朝出入內外四十餘年憂國忘家始終一節謀深慮遠不邀近功其進退之際與時升降嘗語人曰官職自有定分名誼千古不磨故其在朝孤立自守不畏強禦以賢才爲立國之基薦進搜舉汲汲如不及如李燔輔廣倪思陳韓皆其人也 在潭時與朱文公有交承之好侂冑斥文公侂冑死先生奏召文公還朝而文公已卒復移文新安取文公諸經四書傳注刊刻以傳又請

爲張南軒賜諡表章正學之力爲多別號後樂居士所
著文章五十卷曰後樂集

姑蘇志

雲濠謹案楚紀載先生以忤時相出
知潭州時朱子寓南嶽雅相知重云

侍郎黃先生艾

黃艾字伯耆莆田人乾道中進士第二光宗朝以名儒
充嘉王贊輪對言今日以天下之大百官之眾商量一
經界三年而不成使更有大于此者將若之何光宗從
其請寧宗擢左司諫權工部司郎兼侍讀時朱子罷經
筵先生因講問逐熹之驟寧宗曰始除熹經筵耳今乃

事事欲聞先生固請再三不聽除中書舍人改刑部侍

郎

姓譜

徽猷湯先生瑋

湯瑋字君保

梓材案經義考引
廬熊云字君寶

瀏陽人淳熙十四年進

士調德安教授遷國子博士時詔朱子爲侍講未幾辭

歸先生疏言朱某以正學爲講官四方咸望其啓沃曾

未踰時輒聽其去必駭物論宜召還仍授講職不報由

是浸忤權相意而先生之直聲亦大聞于時歷禮部駕

部二郎官出知常州入爲大理少卿進直徽猷閣卒先

生負直概與韓侂冑陳自強不合故屢嗾言者中傷生
平奉祠閒居之日多于敷歷其在禮曹例掌三省奏記
臨安大火寧宗避正殿中書三表請復不許屬辭務持
大體不爲阿曲言者據其語涉訕上而朝廷實知其無
他故起復制詞有清風峻節之語嘗擇壻得蔣重珍宋史
梓材謹案先生著有春秋要論經義考云佚

劉氏同調

少師章先生徠

章徠字□□永康人侍郎服之孫淳熙甲辰進士歷官